


永樂大典

卷一萬一千九百
五

大典自乾隆中館臣鈔校後置翰林院自後
 多散失今存五伯館奉耳萍鄉文芸閣孝
 庭廷式光緒館志伯愚庶子家銳庚辰翰林通後
 之手錄其菁華為言嘗自輯大典禮是隨
 素採取耳惜不能及未佚之時而讀之也此冊
 印者庶屬鈔出者宋元間廣州興地之書大
 半今人所不得復見真可寶也光緒戊子四月
 治南畢湯記於美齋順德李文田記




廣 州 府 南 海 縣 之 圖



永樂大典 卷一一九〇五

嘉

廣州府番禺縣之圖




廣州府新會縣之圖



第五頁

連州郡之境圖



廣州府陽山縣之圖



永樂大典 卷一一九〇五

永樂大典卷之一萬一千九百五

十八卷

卷一萬一千九百五

八三三

廣州府

目錄

建置沿革

道里

城池

橋梁

關津

坊里



風俗形勢

氣候

戶口田賦

課利

土產

山川

宮室

祠廟

寺觀

壇壝

公署

學校

兵防

古蹟

宦蹟

人物

文章

題詠

碑刻



二

建置沿革

本府大明清類天文分野之書禹貢揚州之域。牛女之分。周春秋時。為百越之地。秦置南海郡。漢武帝定越地。以為南海。鬱替交趾。九真。日南。珠崖。儋耳郡。屬交趾刺史。獻帝建安八年。陞為交州牧。三國吳孫權。以步騭為交州刺史。遷州於番禺。永安六年。分交州置廣州。晉太康中。以荊州始安。始興。臨賀。三郡來屬。治番禺。宋泰始七年。分交廣二州地置越州。治臨漳。齊以廣治番禺。梁陳並置郡督府。隋開皇九年。置總管府。仁壽元年。改廣州為番禺州。大業初。又改為南海郡。唐武德五年。置廣州總管府。七年為大都督府。貞觀初。改中都督府。永徽中以廣州為嶺南五府節度。天寶元年改為南海郡。至德二年復為廣州。咸通三年分嶺南節度為東西道。乾寧二年。改嶺南東道為清海軍節度。宋開寶四年。仍為清海軍節度。大觀元年陞為帥府。元至元十五年。置廣東道宣慰司。廣州為路。

本朝洪武元年改為廣州府。二年置廣東行省。九年改為布政司。圖經志秦屬南海郡。任世駑為

洪作郡

廣州

三

永樂大典

卷一一九〇五

卷一萬一千九百五

尉。後趙。佗稱南越王。傳五世。前漢元鼎五年。南
粵平。以南海郡屬交州。領縣六。曰番禺。博羅。中
宿。龍川。四會。揭陽。後漢建安十八年。革州以郡
屬荆州。領縣七。曰番禺。博羅。中宿。龍川。四會。揭
陽。增城。分番禺地置增城縣。三國吳黃武六年。
以南海蒼梧鬱林三郡始立廣州。本郡屬廣州。
晉領縣六。曰番禺。博羅。龍川。四會。增城。平夷。改
揭陽為義安郡。以中宿屬始興郡。宋領縣十。曰
番禺。博羅。龍川。增城。百平。熙寧。懷化。綏寧。高要。
始昌。改四會為綏建郡。齊領縣十三。曰番禺。博

四

羅。龍川。增城。百平。熙寧。懷化。綏寧。高要。新羅。揭
陽。河源。安遠。梁陳隋置總管府。仁壽元年
改番州。大業初。復立南海郡。領縣十五。曰南海。
寶安。增城。四會。化蒙。曲江。始興。翁源。樂昌。浈
清。遠。政。宿。懷。集。義。寧。新會。辰。始興。郡。以曲江。始
興。翁源。樂昌。歸本州。又廢淮州為浈。後避宋
諱。改浈。光祿本州。唐武德四年。立廣州。置總管
府。乾元元年。復為廣州。五莞之一也。領縣十三。
曰南海。番禺。東莞。增城。四會。化蒙。浈光。潯水。清
遠。懷集。貞陽。義寧。新會。後以政賓入清遠。併四

會化深置南綏州。併義甯新會置岡州。尋廢。仍
 以新會縣屬本州。五代南漢劉隱。由唐清海軍
 節度使。據其地。傳及子孫。宋開寶四年。南漢平
 仍為清海軍節度使。廣州大都督府領本州。皇
 祐四年。復帝經略安撫司。領八縣。曰南海。番禺
 東莞。增城。清遠。懷集。新會。香山。以滄光屬連州。
 五年。以義甯入新會。以潯水入懷集。以化蒙入
 四會。以常康成甯復為南海。熙寧六年。以四會
 屬端州。始興二十二年。始以香山镇為香山縣。
 元至元十六年。改為廣州路總管府。領縣七。曰

五

南海。番禺。東莞。增城。清遠。新會。香山。郡城內錄
 軍司一。以懷集附賀州。

聖朝領縣八。曰南海。番禺。東莞。新會。增城。香山。清
 遠。陽山。太平。寰宇記嶺南道一。廣州原領縣
 十三。今八。南海。增城。懷集。清遠。東莞。四會。新會。
 信安。三縣廢。番禺。入南海。潯水。入懷集。化蒙。
 二縣割出。滄沂。入潯州。潯陽。入潯州。輿地廣
 記廣南東路。中都督府廣州。古蠻夷之地。春
 秋戰國為百越。在禹貢職方州域之外。秦并天
 下。略定揚越。立南海郡。秦滅。南海尉趙佗自立。

為南越武王。漢高帝因立佗為南越王。元鼎中相呂嘉王。建德。唐武帝興兵滅之。及東漢以後皆為南海郡。建安十五年兼立交州。吳永安六年分立廣州。晉宋齊梁陳因之。隋平陳郡廢。仁壽元年曰番州。大業初州廢。復立南海郡。唐武德四年平蕭銑立廣州。天寶元年曰南海郡。後建安清海軍節度。五代為南漢。劉氏所據。宋開寶四年收復。今縣七。南海志廣為禹貢揚州之境。按晉隋書。蓋謂交廣之地。為禹貢揚州之境。唐志亦云。嶺南道蓋古揚州之南境。周職方之

六

下誤作地

地。周禮職方氏掌天下之圖。以掌天地之地。辨

其八蠻七閩之人民。史稱蒼梧九疑韶石皆舜迹所至之地。亦不得為要荒之服。春秋有於越。

按春秋定公五年於越入吳。十四年於越敗吳于雋。季哀十三年於越入吳。杜注。於。發語聲。即句踐也。舊志云。五臣注。今南海在焉。即其地。蓋

引文選吳都賦。漢戰國時楚興兵伐越。遂屬楚為百越。史記句踐六世至無疆。楚威王興兵伐之。大敗越。殺無疆。盡取故吳地。越以此敗。諸族子弟立。或為王。或為君。瀆於江南海上。服朝於

散誤作收

楚。謂之百越。此是周顯王時。舊志云。秦王時。則
 成周之初。嘗考。秦王剪滅楚。略定楊粵陸梁地。
 以其地為桂林南海象郡。以謫遣戍。舊志云。非
 三十六郡之限。置南海尉。以典之。志所謂東南
 一尉是也。二世時。任囂為南海尉。病召龍川令
 趙佗。使行尉事。囂語佗曰。秦為無道。陳勝作亂。
 天下未知所苦。番禺負山險阻。南北東西數千
 里。可為國。又曰。漢安元年。五星聚東井。此南粵
 偏霸之象。即使佗行尉事。囂死。佗并桂林象郡。
 自立為南粵王。治南海。佗後來黃屋左纛。稱帝。

七

以兵脅財。賂閩越。西甌。駱。役。屬。焉。東西萬餘里。
 漢遣陸賈。再使粵。因封之。剖符通使。使和輯百
 越。無為南邊害。傳五世。佗死。孫胡立。胡死。子嬰
 齊立。嬰齊死。子興立。呂嘉殺之。立建德。孝武无
 鼎五年。粵相呂嘉反。討平之。以其地為南海蒼
 梧。鬱林。合浦。交趾。九真。日南。珠崖。儋耳郡。屬交
 州刺史部。治蒼梧。舊志云。治交趾。按武帝元封
 五年。初置刺史部十三州。又前漢地理志注云。
 交趾刺史。令持節治蒼梧。王象之輿地記勝云。
 漢武置交州刺史。治蒼梧之廣信縣。東漢立交

永樂大典

卷一一九〇五

卷一萬一千九百五

州牧亦治蒼梧。後徙治番禺。舊志云。治交州未
知孰是。獻帝建安八年陞為交州牧。通鑑靈帝
中平五年。太常劉焉建議。以為四方兵寇。由刺
史權輕。宜改置牧。選重臣為之。焉欲求交趾牧。
乃得益州牧。舊志云。獻帝建安八年當考。十五
年。始徙於南海。通鑑。獻帝建安十五年。蒼梧土
變為交趾守。雄長一州。威尊無上。朝以朱符。張
津。賴恭。相繼為刺史。皆不能服。時孫權遣朱番
陽太守步騭為交州刺史。士燮率兄弟奉承節
度。又寰宇志云。其城周十里。初尉佗築之。後步

八

騭修之。是步騭方徙治也。詔以邊州使持節。給
鼓吹。以重威鎮。加六佾之舞。後漢志。交州刺史
部注。王範交廣春秋云。交州元封五年。治蒼梧。
建安十五年。治番禺。詔書以州邊遠。使持節。并
七郡。皆授鼓吹。以重威鎮。十八年。省州。以郡屬
荆州。詔并十四州。復為九州。吳黃武五年。以交
趾日南九真合浦為交州。割南海蒼梧鬱林三
郡立為廣州。州得名自茲始。俄復舊。通鑑。孫權
黃武五年。士燮舉于綏。自署太守。不受代。刺史
呂岱表分海南三郡為交州。以戴良為刺史。海

東四郡為廣州。代自領刺史。代督兵討絃。滅之。而叛者復起。於是除廣州。復為交州。如故。永安七年。孫休復分交州立廣州。領郡十。書異南海蒼梧。鬱林。高涼。高興。甯浦。桂林。始安。始興。臨賀。為十。晉平吳。因之。東晉郡十五。南海。蒼梧。鬱林。晉興。東官。晉康。新興。桂林。高涼。甯浦。永平。新寧。義安。新會。高興。為十。宋分交廣二州地為越州。治臨漳。今廣州。廣州領郡十八。省高興。外增宋康。綏建。海昌。宋熙。四郡。齊領郡二十三。增宋隆甯。浦。齊樂。齊建。齊甯。五郡。梁陳並置都督府。隋

九

置總管府。仁壽元年改番州。時晉王廣立為皇太子。避其諱。即煬帝。大業初。復立南海郡。唐武德四年平蕭銑。立廣州。仍置總管府。六年為大都督府。寰宇記在七年。貞觀為中都督府。永徽後。以廣桂容邕鎮南五府皆隸于廣。謂五府節度。名嶺南五管。又為嶺南五府經畧使。理所曰經畧軍。南海郡城內軍額。管鎮兵五千四百人。曰清海軍。思平郡管兵一千人。曰桂管經畧使。始安郡管兵一千人。曰容管經畧使。晉甯郡管兵一千一百人。曰鎮南經畧使。安南都護府。管兵

祀當作
祀原本誤

四千二百人。曰邕管經畧使。朗甯郡管兵千七百人。名嶺南五管。天寶元年。改為南海郡。至德元年。陞五府經畧使為嶺南節度。乾元元年。復為廣州。其後五府不屬。自杜佑始。舊志云。凡領是州稱廣州刺史。充廣南五府經畧使。後陞為節度使。於佑為嶺南節度。嘗兼五府經畧。適執政者遺脫。佑獨不兼。故五府不屬。自佑始。按唐本傳。佑在朝多所建議。虛祀當州。惡之。出為嶺南節度使。咸通三年。分嶺南為東西。西連廣為東道。邕為西道。乾甯二年。升為清海軍節度。劉隱領州。又加建武節度。邕州遂據其地。再傳至劉晟。舉兵攻取馬氏。桂。宜。蒙。昭。之蒙山縣。連。梧。巖。今表之末。賓。縣。富。今賀之富川縣。昭。柳。象。龍。等。今得之平南縣十一州。始盡有嶺南地。宋開寶四年。南漢平。分東西路。仍為清海軍節度使。廣州大都督府。時潘美尹崇珂同領州。兼廣南轉運使。市舶使。景德二年。兼本路兵馬鈐轄。皇祐四年。詔州與桂州並帶經畧安撫使。後被旨盜賊事。許便宜與本路轉運常平茶鹽市舶並置司。獨提點刑獄。置司於韶。皇元定江南。至元十六年。

陞為廣東道宣慰使司。其使兼都元帥。又陞廣州為路總管府。尋罷都元帥府。以宣慰司兼管軍馬。二十年立海北廣東道提刑按察司。並置于廣。二十六年察司移置于韶。二十八年改提刑按察司為肅政廉訪司。並置于廣。大德二年定為廣東道宣慰使司都元帥府正次官。並通管元帥府事。蓋嶺南一都會。故軍府之盛焉。元一統志。禹貢揚州之域。晉隋書並謂交廣之地為禹貢揚州之域。而唐志云。嶺南道。蓋古揚州南境。元和郡縣志亦云。為禹貢揚州之域。史記

十一

謂揚越。漢書註云。本揚州之俗。故云揚越。而通典則以為非禹貢九州之域。又非周禮職方之限。稽其時畧考其鎮藪。而禹貢職方皆不逮此。故列於九州之外。范子長郡縣志云。以今日地志考之。潮州舊隸揚州。連州舊隸荊州。未可盡以為九州之外也。王象之輿地紀勝云。晉隋唐之志。既非作於通典之前。亦必有所據。今改正作揚州之域。在天文牽牛婺女。則越之分野。兼得楚之交。此據輿地紀勝所云。春秋時百越之地。秦置南海郡。置南海尉。以任囂且死召龍川

永樂大典

卷一一九〇五

卷一萬一千九百五

既字

令趙陀行南海尉事。陀自立為南粵王。漢因封之。使和輯百越。無為南邊害。凡王世五。九十二年而亡。武帝既定粵地。以為南海。蒼梧。鬱林。交趾。九真。日南。珠崖。儋耳郡。按南海郡。即秦南海故郡也。屬交趾刺史。攷之係元鼎六年也。獻帝建安八年。陞為交州牧。孫權以步騭為交州刺史。遷州於番禺。即今之州理也。孫林以交州土壤懸遠。迺徙交州理龍編。黃武五年。分交州之南海。蒼梧。鬱林。高涼。四郡立為廣州。俄復故。永安六年。復分交州置廣州。分合浦立合浦北部。

十三

以都尉統之。孫皓分鬱林立桂林郡。逮晉太康中。吳晉遂以荊州始安。始興。臨賀。三郡來屬。領郡十。理番禺。通鑑。魏元帝咸熙元年七月。分交州置廣州。是時吳景帝孫休尚無恙。由是月景帝孫休卒。孫皓始立。而元和志迺以為孫皓分交州置廣州。二者弗同。今按孫休之卒。孫皓之立。同是永安六年七月。而所書建置有休皓之異。然攷之沈約宋志。云廣州刺史。吳孫休永安六年。分交州置廣州。則置於孫休也明矣。今當從宋志。晉因而弗改。安帝元興三年。盧循陷番

禺。執刺史吳隱之。隱之拒守百餘日。城始陷。循
 自稱平南將軍。攝廣州事。通鑑在此年。義熙六
 年。循用徐道覆計。舉兵向建康。劉裕敗之於蔡
 州。裕又治水軍。遣孫處沈田子自海道襲番禺。
 傾其巢穴。通鑑。義熙六年八月。孫處乘海奄至
 番禺。圍之二十餘日。不克拔。乃走交州。至龍編
 敗死時。義熙七年也。宋明帝泰始七年。分交廣
 二州地。置越州。治臨漳。領郡十七。齊廣州領郡
 二十有三。皆理番禺。梁陳並置都督府。隋開皇
 九年。平陳。置總管府。仁壽元年。改廣州為番州。

十三

避太子廣諱也。大業初。為南海郡。唐武德四年
 平蕭銑。明年。賊帥鄧文進降。置廣州總管府。七
 年。為大都督府。永徽中。復以唐桂。邕。容。安。南。五
 府。並隸于廣州。以廣州為嶺南五府節度。五管
 經畧使。理所曰。經畧軍。曰。清海軍。曰。桂管經畧
 使。曰。容管經畧使。曰。鎮南經畧使。曰。邕管經畧
 使。名嶺南五管。并五府。經畧使為嶺南節度。通
 鑑。在肅宗至德元年。天寶元年。改為南海郡。至
 德二年十二月。復為廣州。自杜佑為嶺南節度。
 當兼五府。適秉政者遺脫。獨不兼。故五府不屬

改讀作改

略亦通
原本作類

安詳保樓

自佑始也。咸通三年。蔡京制置嶺南。奏請分嶺南節度為東西道。改嶺南節度使為東道節度。邕州為西道節度。乾符六年。黃巢攻破廣州。巢以士卒疾疫。弗能守廣州。乃去掠湖湘。乾寧二年。賜嶺南東道為清海軍節度。以命薛王知柔。昭宗天復元年。劉隱為清海軍留後。天祐二年。又命隱為清海軍節度。隱以重賂結朱全忠而得之也。子孫竊據其地。凡六十有七年。至宋開寶四年始平之。仍舊為清海軍節度。至道以後。分廣東南為東西路。東路兵馬鈐轄廣州領之。西路兵馬鈐轄桂州領之。皇祐四年。各兼本路經畧按撫使。大觀元年。陞為帥府。元領南海。番禺。清遠。懷集。東莞。增城。新會。香山。八縣。德祐二年春。即元至元十三年也。江浙已平。六月十三日。廣州全城歸附。秋九月。熊飛作亂。趙潛同方興乘時襲取。冬十一月。江西元帥府領兵來復。既定。而明年廣人又叛。十五年。再進師克之。自是海嶠始率服。版圖東歸。遂創廣東道宣慰司。舊統十四州。而肇慶。德慶。封連四郡。改屬廣西道。廣州立下路總管府。併設錄事司。元領八縣。

十四

當此為
以四年為

時而
恐有

當江為

永樂大典

卷一一九〇五

而懷集一縣。王師先自賀州入。就撥隸焉。今領縣七。歸附始末圖經志廣州自元末盜賊四起。侵掠城池。各據一鄉一縣。其後東莞何真糾率義兵防禦城郭。丁未冬。聞大軍平定江西。福建遣其屬梁復初等納款歸順。洪武元年春。朝廷調兵平定嶺海。命征南將軍中書平章廖永忠自福建統舟師由海道至。四月初九日抵廣城。指揮陸仲亨等率步兵度梅嶺自雄韶沿江而下。先三日。至。征南公令境內撒圍壘銷兵器。招來居民各復生業。浙江參政朱亮祖統兵平

十五

定廣西。相繼而至。其依險拒命者。征南公親督兵殄滅之。廣東州郡由是而悉定焉。取廣州始末南海志至元十二年丙子。宋德祐二年宋經畧使兼知廣州徐直諫得驛報。天兵已下臨安。又聞江西湖南皆降。時有淮將梁雄飛謫居於此。因遣之賫蠟書往江西歸附。未幾又聞湖南行省亦遣使諭降。所遣者廣人曾士倬。時南湖南某縣令與一將校楊尹俱來。直諫遣水軍統領唐淵往韶。逆之。直諫之意。謂已遣人通耗江西不可。又納湖南使。諭意唐淵俾殺之。乃沉

永樂大典

卷一一九〇五

卷一萬一千九百五

曾揚於韶州江下。六月江西呂元帥師夔遣黃世雄與雄飛偕來。並稱招討使。時直諒聞益王已即位於福州。遣郡人李性道權提刑。領摧鋒軍將黃俊陳寔水軍將謝賢等拒之。至石門性道不欲戰。艤舟岸許。惟黃俊迎敵遂敗。俊奔回直諒乃乘舟適去。十三日世雄等入城。以性道為市舶使。陳寔謝賢唐淵等各授以官。黃俊亦與焉。俊不授。諸將遂殺之于摧鋒軍寨佛殿下。八月東莞人熊飛舊以勤王隸文丞相戲下。兵潰而歸。至是遂結集民兵數百至城下。十五

十六

脫會言

按當作度
原正誤

日世雄等與戰。飛敗復回東莞。世雄等遣姚文虎追為飛所殺。飛再圖入城。世雄等度未可勝。九月十一日退師。既而新宰曾逢龍率鄉兵至城下。性道迎謁。為逢龍所擒。飛等復入城掠性道家焚其居。二十一日宋制置使趙潛運副趙淇至。越一日安撫方興至。搜陳寔謝賢等殺之。割肝以祭俊。唐淵逝。十月十日遂置性道于死。俄呂元帥師夔張元帥榮實將兵自江西來。潛遣逢龍飛往南雄捍禦。續發將枝劉自立守韶州。逢龍戰死于雄。飛回韶。張呂元帥至。自立潛

以城降。飛巷戰而死。遂屠韶城。以自立為招討使。十二月朔。潛淇等聞大兵將至。以舶舟遁。方興未行。委郡人趙若岡等分四隅。民兵守禦。初五日興遁。二元帥至城南。居民懼如韶之受屠也。俱逃竄入山。若岡焚其室廬。火光亘天。城外民居為之蕩盡。初八日若岡與忠勇軍陳勇開小市門降。是夜勇賈招諭榜入城。為營兵所殺。初十日二帥入城。以若岡知南恩州事。會方興在南恩海靈山。令人逐若岡去不得入。是時郡人張鎮孫結集鄉兵於廣州海上。二元帥以水道不通。軍餉不繼。退師。十四年四月鎮孫入城。為經畧安撫使。有將校盧震者擁眾暴橫。鎮孫殺之。十一月塔出右丞呂元帥劉元帥復入廣。鎮孫降。十五年正月平廣州城。二月右丞二元帥復退師。以鎮孫歸于京師。道死于梅嶺。三月宋凌震王道夫入城。震為制置使。道夫為運使。時宋主昞崩。昺繼立。九月震與道夫聞大兵復來。俱遁。十月行省叅政李恒江東宣慰使張弘範開蒙古漢軍都元帥府。督師南征。十六年正月二帥會師。二月克厓山。宋主昺死。餘見厓山。

十七

此言誤
作管

事蹟宋亡。三月震降。道夫亦降。王師凡三入廣。廣州始平。屬郡。自漢武元鼎六年。平南粵。置南海郡。時為交州部。吳永安七年。始分交州。立廣州。初領南海蒼梧鬱林高涼四郡。後增臨賀。始平。始興。三郡。元屬荊州。臨賀。今賀州。始安。今昭州。始興。今韶。雄英州。桂林。吳分鬱林置桂林郡。今靜江。高興。吳大帝分合浦高涼縣。立高涼郡。又立高興郡。今高化州。甯浦。又分合浦北部。立甯浦郡。今橫州。為十郡。晉永嘉元年。以臨賀始興始安為湘州。復增晉興。分鬱林立晉興郡。今邕州。東甯。成帝分南海立東官郡。今循志。新甯。穆帝分蒼梧立新甯郡。今新州。永平。分蒼梧立永平郡。今藤州。新安。哀帝太和中置新安郡。未詳。義安。安帝分南海之揭陽縣立義安郡。今潮梅。新會。恭帝分南海置新會郡。今為縣。為十五郡。宋省高興郡。外增宋康。宋置宋安郡。今連州。康字當考。綏建。文帝分南海之四會等縣。立綏建郡。海昌。舊有海昌郡。平陳後廢入電白縣。今高州。宋熙。元嘉十六年。以南海之高要縣。立宋熙郡。為十八郡。齊增宋隆。舊有宋隆郡。平



文

陳後廢。入高安。甯浦。晉宋已有甯浦不處。此重
 載。當考齊樂。未詳齊熙。齊立齊熙郡。今融州。齊
 建。齊立齊安郡。今南恩。建字當考。為二十三郡。
 唐至德元年。陞五府經畧計擊使為嶺南節度
 使。領州二十三州。與潮。韶。循。康。龍。今龍水。端。新
 封。春。今陽春。勤。開。寶五年廢。入陽春。羅。今化州
 石龍縣。高恩。雷。崖。瓊。振。今吉陽。儋。萬。安。潘。今高
 州。地。滕。是也。十年又以漳。潮。二州隸嶺南經畧
 使。元和元年。復領潘。辨。二州。今化州。北。宋。潘。美
 平。嶺。南。得。州。六。十。兼。邕。桂。所。隸。言。也。開。寶。五。年。

十九

詔省嶺南郡縣。領州十五。賀州。復隸廣西。實領
 韶。潮。梅。循。惠。連。封。新。南。恩。南。雄。英。德。肇。慶。德。慶
 凡十四郡。聖朝混一。至元二十七年。大籍戶定。
 廣惠。潮。為中路總管府。肇慶。南雄。韶。德。慶。為下
 路總管府。英德。南恩。新。封。循。梅。惠。連。為散州。後
 以英德。控制山。繚。要。衝。陞。為。路。而。連。之。桂。陽。縣。
 以諸王。投。下。食。邑。得。陞。州。今。為。路。八。州。七。屬
 縣。縣。以。部。言。之。不。可。勝。載。今。以。州。所。領。者。疏。
 后。前。漢。縣。六。番禺。博。羅。中。宿。今。清。遠。
 龍。川。四。會。揭。陽。後。漢。縣。七。番禺。博。

永樂大典

卷一一九〇五

卷一萬一千九百五

羅 中宿 龍川 四會 揭陽 增城 晉

以揭陽為義安郡以中宿屬始興郡統縣六

番禺 博羅 龍川 四會 增城 平夷

宋以四會為綏建郡統縣十 番禺 博羅

龍川 增城 西平 熙安 懷化 綏甯

高要 始昌 齊縣十三 番禺 博羅 龍

川 增城 高要 西平 綏寧 新羅 揭

陽 河源 安遠 熙安 懷化 按隋開皇十

年以熙安懷化入番禺 隋廢始興郡以曲江

始興公翁源樂昌隸廣州又廢涇州以滄涇 後



三

避宋諱改滄光未屬統縣十五 南海 寶安

即東莞 增城 四會 化蒙 曲江 始興

翁源 樂昌 滄光 清遠 政賓 懷集

義寧 新會 唐以政賓入清遠以四會化蒙

置南綏州以義寧新會置岡州尋廢屬廣州統

縣十三。南海 番禺 東莞 增城 四會

化蒙 懷集 潯水 清遠 滄光 真陽

義寧 新會 南漢分南海置常康咸寧二縣

復以真陽屬英州宋開寶四年以滄光屬連州

五年以義寧入新會以潯水入懷集以化蒙入

四會。以常康咸寧復為南海。熙寧六年。以四會屬端州。紹興二十二年。始分四縣地置香山。統縣八。南海。番禺。東莞。增城。清遠。懷集。新會。香山。至元十六年。收附廣州。時荆湖省兵馬。先取懷集。遂附賀州。今統司。縣七。錄事司。南海。番禺。東莞。增城。清遠。新會。香山。

南海縣。大明清類。天文分野之書。秦番禺縣地。屬南海郡。隋開皇十年。析置南海屬廣州。大業

初。置郡於此。仁壽元年。改屬番禺州。宋開寶四年。唐屬廣州。

王

仍併番禺縣入焉。元為倚郭縣。

本朝因之。圖經志。秦本番禺地。屬南海郡。宋永和

六年。分置興安懷化二縣。隋開皇四年。廢興安

懷化二縣入番禺。十年。分置南海縣。隸廣州。唐

開成五年。升為繁縣。會昌中。升為望縣。五代南

漢分南海置咸寧常康二縣。宋開寶五年。廢常

康咸寧二縣。併為本縣。郡縣志。本漢番禺縣地。

屬南海郡。後漢以來因之。隋改為南海縣。又分

置番禺縣。尋廢入焉。仁壽元年。隸番禺州。大業初。

隸南海郡。唐隸廣州。偽漢置咸寧常康二縣。宋

開寶五年省入本縣。寰宇記元二十三鄉。本漢番禺縣。屬南海郡。分番禺置南海縣。先是廣州偽命曰。析南海縣為常康咸甯二縣。及永豐重合二場。宋平南越。開寶六年併二縣二場。依舊為南海縣。并廢番禺縣入。輿地廣記本秦番禺縣地。為南海郡。二世時。南海尉任囂。召龍川令趙佗謂曰。番禺負山險阻。南北東西數千里。此亦一州之主。可為國。佗後遂自立為南越武王。漢末立交州牧。吳立廣州。後改番禺為南海縣。隋曰番禺。唐曰廣州。宋開寶五年。省咸甯常康

至

二縣入焉。有羅浮山。元一統志。隋開皇十年。析置南海縣。屬廣州。隋志南海縣下注云。分置番禺縣。尋廢。大業初。置郡於此。仁壽元年。隸番禺。先隸南海郡。唐隸廣州。南漢置咸甯常康二縣。宋九域志云。開寶四年。廢常康咸甯二縣。依舊為南海鎮。寰宇記云。仍併番禺縣入焉。元因之。番禺縣。大明清類天文分野之書。秦舊縣。故城在今西南二里。其地有番禺二山。故名。屬南海郡。漢三國。晉宋齊並因之。隋開皇十年。改置南海縣。長安三年。於江南洲上。別置番禺縣。宋開

寶五年。併番禺入南海。皇祐五年。復置與南海分治郭下。元仍其舊。

本朝因之。圖經志秦地有番禺二山。屬南海郡。前漢始立番禺縣。隋開皇十年。分置南海縣。長安三年。於江南洲上別置番禺縣。宋開寶五年。併番禺入南海。皇祐三年。分南海番禺兩縣。輿地廣記秦漢舊縣。後改為南海。隋平陳。分南海置番禺省入。後復置。與南海分治郭下有番禺山。尉陀葬於此。南海志下縣。縣番禺二山。因以為名。互見清遠縣二禺山。屬南海郡。漢以來因

三

之。宋志云。漢立番禺縣。故兩志及晉宋齊志南海郡下。並有番禺縣。隋開皇十年。改置南海縣。即今縣是也。長安三年。於江南洲上別置番禺縣。取舊名也。其洲周回約八十里。唐因之。分治郭下。宋開寶五年。併番禺入南海。皇祐三年。一作五年。分南海為番禺。以五鄉為籍焉。縣治舊在洲之東一里紫泥巷。熙寧二年。經畧王靖度。地東北徙建。今因之。

東莞縣大明清類天文分野之書。漢南海縣。晉成帝咸和六年。置寶安縣。屬東莞郡。隋開皇十

永樂大典

卷一一九〇六

卷一萬一千九百五

年。省郡以縣屬廣州。唐至德二年。改寶安為東
 莞。宋開寶五年。省入增城縣。六年復置。元仍其舊。
 本朝因之。圖經志秦地屬南海郡。三國吳甘露二
 年。始置司鹽都尉於其地。晉咸和六年。立東莞
 郡。領縣六。寶安其一也。義熙九年。立義安郡。隋
 開皇十年。廢郡。以縣隸廣州。復為寶安。唐至德
 二年。更名東莞。宋開寶五年。併增城入本縣。六
 年復分立增城。寰宇記東南水路三百二十里。
 無陸路。元七鄉。按南越志云。水東流入海。帆道
 三日。至東莞。漢順帝時。屬南海縣地。吳孫皓以



二五

甘露元年。置始興郡。以其地置司鹽都尉。晉立
 東莞郡。隋為寶安縣。唐至德二年。改為東莞縣。
 南海志中縣本漢南海郡地。吳甘露三年。始置
 司鹽都尉。晉成帝咸和六年。立東莞郡。領縣六。
 寶安。安德興寧。海豐。海安。欣樂是也。晉安帝義
 熙九年。分立義安郡。宋齊又云。東官太守治寶
 安。而南齊志亦云。東官郡有寶安。而治懷安。是
 晉宋齊皆嘗於其地置郡明矣。元和志又言。隋

開皇十年。廢郡以縣隸廣州。然隋猶以寶安名縣。詳見寰
 宇記。唐至德三年。更名東莞。宋開寶五年。省入增城。六年復置。今日之

永樂大典卷之一萬一千九百五

永樂大典卷之一萬一千九百六 十八養

廣廣州府二

新會縣大明清類天文分野書漢南海縣地。晉

分南海立新會郡。宋齊並因之。隋開皇十年置

新會縣。屬岡州。大業初州罷。唐武德四年。以美

甯新會二縣復置岡州。開元二十三年州罷。以

新會美甯屬廣州。宋元並仍其舊。

本朝因之。圖經志秦地屬南海郡。晉恭帝時立新

會郡。分南海地。隋郡廢。開皇十年置新會縣屬

岡州。十三年改元州。又改岡州。尋廢。唐武德四



一

年。以美甯新會置岡州。正觀十三年州廢。尋復

舊。開元二十三年併美甯為新會縣。屬廣州。寰

宇記東北水路三百三十里。無陸路。元四鄉。漢

南海郡地。晉新會郡。隋改置封州。又改元州。又

為岡州。隋末併入廣州。唐武德四年復置剛州

舊治盆允城。貞觀十三年廢岡州。縣屬廣州。其

年復置州於今所。開皇二十三年州廢。縣入廣

州。遂移縣於廢州城。前臨大海。後枕羣山。元一

統志本漢南海縣地。晉志云。恭帝分南海立新

會郡。宋志云。晉恭帝元熙二年分南海立新會

宋齊志有新會郡。而無新會縣。元和志云。隋開皇十年置新會縣。屬岡州。王象之輿地紀勝云。舊意其郡雖置於晉。而縣則置於隋耳。隋志云。舊置新會縣。平陳郡廢。又併五台。永昌。新建。熙潭。化。召。懷。集。六縣。入為封州。十二年改為九州。後改為岡州。大業州廢。封樂縣入焉。唐志武德四年。以義甯新會二縣置岡州新會郡。貞觀十三年州廢。以新會義甯屬廣州。是年復以二年置岡州。開元二十三年州廢。以新會義甯屬廣州。宋因之。元不改。

二

增城縣。大明清類天文分野書。漢以番禺縣地析置此縣。因崑崙山有閩風。增城故名。屬南海郡。晉宋齊並因之。隋初置東莞郡。後罷。宋開寶五年罷焉。六年復置。元仍其舊。

本朝因之。圖經志。秦本番禺地。屬南海郡。後漢建

五續作四

安六年始置增城縣。縣命名以崑崙山有閩風。增城。又云地有增江。宋開寶四年廢縣入東莞。六年復立本縣。輿地廣記。漢番禺縣地。吳置。及晉屬南海郡。成帝分立東官郡。宋以後因之。隋平陳郡廢。屬廣州。唐因之。有祝山增水。南海志

中縣本漢番禺地。後漢建安六年置。故後漢志南海郡下有增城縣。晉宋齊因之。然宋志雖有東莞郡。云咸和六年分南海縣立。乃治寶安縣。非治增城縣也。隋志增城縣下注云舊志東莞縣。平陳廢。然不明言置於何時。寰宇記云。至黃武中於此置東莞郡而立增城縣。王東陽輿地紀勝辯云。增城已見東漢志。非立於吳也。或云縣之命名。以崑崙山有閩風。增城故名。亦謂有增江云。宋開寶五年廢增城縣。六年復置。今日香山縣。大明清類天文分野書宋本東莞縣香

三

山鎮。元豐五年陞為縣。元仍其舊。

本朝因之。圖經志秦地屬南海郡。宋本東莞縣香

山鎮。紹興二十二年始置縣。元一統志本東莞

置誤
作治

縣香山鎮。宋元豐五年轉運判官徐九思請建為縣。宋會要云。紹興二十二年又陞為縣。不同。恐建請於元豐而創治於紹興耳。不然則元豐創縣。中間復廢。至紹興而復置。二者弗同。新圖經云。元豐徐九思請建為縣。止置寨官一員。紹興二年東莞縣姚孝資請州聞於朝。創立縣也。元不改。

清遠縣。大明清類天文分野書。漢中宿縣地。屬

南海郡。三國吳屬始興郡。晉因之。梁於此置清

遠郡。中宿縣屬之。隋開皇十年郡罷。置清遠縣。

屬廣州。唐武德六年省正賓縣入焉。宋元並仍其舊

本朝因之。圖經志。秦地屬南海郡。前漢立中宿縣。

三國吳隸始興郡。梁以縣隸清遠郡。郡即今韶

州翁源縣地。隋開皇十年廢清遠郡為翁源縣。

別置清遠縣。唐武德六年併政賓縣入本縣。輿

地廣記屬南海郡。晉宋屬始興郡。後立清遠郡。

平陳郡廢。置清遠縣。屬廣州。唐因之。南海志下

四

縣本漢中宿縣。以地有中宿峽故名。屬南海郡。

吳晉並隸始興。故晉志始興郡下有中宿縣。梁

改為清遠郡。中宿縣屬之。隋開皇十年廢郡置

清遠縣。屬廣州。唐武六年省政賓縣入焉。今縣

有政賓鄉。宋因之。今仍舊。

連州。自北以下。二府二州。一十一縣。屬廣東布

政司。大明清類天文分野書。親領縣二。舊一。新

一。連山。陽山。舊屬桂陽州。高貢荊州之域。

翼軫之分。周春秋戰國並屬楚。秦屬長沙郡。漢

高帝五年分長沙南境置桂陽郡。桂陽。陽山。二

縣屬焉。東漢有陽山入沅。三國吳甘露元年。

分桂陽郡之半。立始興郡。屬廣州。晉析沅復

置陽山縣。屬始興郡。宋明帝改始興為廣州。縣

仍屬焉。齊復舊名。梁天監五年。分始興置陽山

郡。縣屬之。隋開皇十年郡罷。唐武德四年復改

為連州。屬潭州總管府。天寶元年更名連山郡。

尋屬嶺南道。乾元元年復為連州。屬湖南道。大

曆三年屬廣州。五代初屬湖南。復屬南漢。宋開

寶三年。以連州領桂陽連山陽山三縣。屬廣南

路。至道中屬東路。元至元十三年置安撫司。十

五

七年罷安撫司。陞為連州路總管府。屬湖南道

宣慰司。大德四年降為散州。屬英德路。

本朝洪武二年革連州。十四年復置。屬廣州府。興

地紀勝連州中連山郡軍事。九域志。禹貢荊州

之域。皇朝郡縣志。翼軫之分野。圖經。春秋時楚

地。通典。秦為長沙郡之南境。元和郡縣志及通

典。西漢有桂陽郡。而桂陽陽山以縣屬焉。西

漢志有桂陽陽山二縣。東漢志有桂陽而無陽

山縣。元和郡縣志云。陽山縣。東漢為吳分桂陽

置始興郡。又屬始興。晉志云。吳置始興郡。統縣

後漢
作復

脫廣字

下連州。劉錄事曰。四川本屬湖南。北師取之是也。其不復南其愚如此。仍隸廣南路。皇朝郡縣志。分隸廣南東路。至道以後。分廣南為東西路。而連州隸廣東路。今領縣三。治桂陽。隍川志。連之郡境。脈絡湘湖襟帶交廣。隋為熙平郡。猶領九縣。封之開建。賀之桂嶺。皆屬焉。唐改連州。止領三縣。疆理始狃于古云。其地在高貢隸荆州。在春秋屬楚地。秦置郡桂陽。在長沙郡之南境。兩漢為桂陽郡。三國六朝或屬始興。或屬廣興。壤制靡定。宋高祖世始析桂陽為小桂郡。梁

七

天監中分置陽山郡。隋大業中改置熙平郡。領桂陽陽山。連山。宣樂。游樂。熙平。武化。桂嶺。開建。為縣凡九。唐武德四年平蕭銑改為連州。天寶元年改為連山郡。乾元元年復為連州。領縣三。桂陽陽山。連山。在正觀屬江南道。在開元天寶屬嶺南道。乾元復屬湖南。大曆三年屬廣左。唐末疆宇割裂。馬殷稱楚。據湖南。劉龔又名蔭。稱南漢。據嶺表。是時連為南楚所有。後劉晟陟之子繼立。攻桂館取連州。又隸于廣。宋開寶三年王師平之。仍為連州。屬廣東。要之連以山制名。

永樂大典

卷一一九〇六

卷一萬一千九百六

已誤作矣

地介楚粵之間。劉賓客刺史廳壁記所謂與番禺相犬牙。與長沙同祖習是矣。按星分與古制當屬楚。以湟水東南入于海遂屬粵。今仍之。

陽山縣大明清類天文分野書漢本舊縣。東漢省入浚源縣。晉復析置陽山縣。屬始興郡。宋齊並因之。梁天監六年置陽山郡。縣屬焉。隋屬熙平郡。唐屬連州。移治水北。宋仍其舊。元至元十九年。割屬貴陽州。

本朝洪武元年屬桂陽州。二年革桂陽州屬韶州府。十四年改屬連州。圖經志秦始皇始建小邑曰陽

八

柳誤作樹

兩開當作開原李誤

山連山。晉屬廣州。宋分郴州之桂陽為小桂郡。梁大同間以桂陽郡為陽山郡。天監間領舍光縣屬西衡州。唐始改為連州。宋陞為連州軍。元改為連州路。領桂陽連山陽山三縣。至元壬午改為州。後陞桂陽縣為州。由是連山屬連州。陽山屬桂陽州。

本朝洪武元年。仍設連州。桂陽州。二年革去。仍為陽山連山二縣。三年革連山併為陽山一縣。考究澧川圖志謹按陽山天下之窮處。陸有邱陵之阻。虎豹之虞。水有驚灘之險。舟楫之慮。民言

缺舌。俗雜獠獠。自秦罷侯置守。設立郡縣。所謂
 陽山連山小邑。皆為桂陽所屬。然其境界乎湘
 廣之間。湟水合流而東。故以湟川名郡。但不得
 其詳。至漢武帝時。南粵與溪峒南蠻。俱阻聲教。
 乃命伏波將軍路博德。由此道往征之。今有狀
 伏波將軍廟存焉。晉宋以來。記載無聞。唐之興
 也。改為連州。改諸太守劉禹錫廳壁記云。郡治
 與荊州同星分。漢制所謂與番禺相犬牙是也。
 貞觀十七年。韓愈謫為陽山令。作別知賦。宋文
 公考異註云。其連州乃郴州之屬邑。末年為馬

九

殷所據。南漢劉晟攻取之。宋平湖南陞為連州
 軍。名宦多謫於此。唐有韓愈。宋有張浚。後其子
 南軒先生亦至焉。至元丁丑。屬廣東道。宣慰司
 都元帥府。至治壬午。始陞桂陽縣為桂陽州。割
 連州戶計三千隸焉。由是連州與桂陽州始各
 分治。至于季年兵起。官民避匿。無所統攝。
 天朝混一。開復州縣。設置衙門。招集良民。復還舊
 業。洪武元年。仍設桂陽州連州。統屬陽山連山
 二縣。直隸江西省。洪武二年。欽奉

聖旨。革去連州桂陽州。止設陽山連山二縣。撥屬韶

杖當作
 伏原非誤
 今當作
 今原本缺

州府。後洪武三年又裁革連山縣。總治於陽山縣。當年十月內撥屬廣州府。官民始得兩便焉。輿地紀勝在州東南一百四十七里。元和郡縣志云。本漢舊縣。為南越買關之邑。其故關在縣西北四十里茂漢口。史記。尉佗移檄陽山關曰。盜兵且至。急絕聚兵自守。今陽山北雷騎山嶺路。秦於此立陽山關。漢破南越以為縣。後漢省。晉重置。在注水南。梁天監六年置陽郡。以縣屬焉。隋開皇十年屬連州。神龍元年移於注水北。即今理縣也。

十

連山縣。大明清類天文分野書。漢本桂陽縣地。梁武帝分桂陽西北界置廣德縣。屬陽山郡。隋開皇十年改為廣潭。仁壽元年又改連山。治歸義里。唐屬連州。神龍元年徙治武昌鄉程山之。下。宋淳祐六年又徙治吉皇神岡。元日之。本朝洪武元年屬連州。二年革連州屬韶州府。三年又革連山縣。十四年復置屬連州。澧川志。連山縣本桂陽地。屬桂陽郡。梁武帝分西北界置廣德縣。開皇十年改為廣潭縣。仁壽元年避煬帝之名改為連山縣。屬熙平郡。唐屬連州。縣治

本在歸義里。神龍元年移治縣東武昌鄉程山下。景雲元年移置縣西四十步。宋因之。嘉定元年後移程山前。厥後吏民以氣瘴不便。淳祐六年郡侯孫叔諤因衆議移縣治於上吉里神崗夷坦之地。取歸義里舊基為近。詳見郡博士劉鏡記。

星分野

圖經志前漢地理志云。本府粵地。牽牛婺女之分野也。今蒼梧鬱林合浦九真日南南海皆粵分。後漢郡國志云。自斗十一度至婺女七度。一

七

名須女。日星紀之次。於辰在丑。謂之赤奮若。為吳越分野。晉天文志。隋地理志曰。唐天文志云。初南斗九度。餘千四百一十四秒。太中南斗二十四

度。終女四度。自廬江南涉越門迄蒼梧南海越嶺表。自韶廣以西。珠崖以東。為星紀之分。唐地理志云。韶廣康端封梧藤羅雷崖東為星紀之分。康今德慶州。隸肇慶府。封今封川縣。隸肇慶府。梧今梧州。隸廣西。藤隸廣西。羅今化縣。雷今雷州府。崖今崖州。南海志若以律為黃鍾。斗建在子。今吳越分野。晉天文志云。自南斗十二度